

陝西通志



序

昔之論形勝者曰天下若常山蛇
關中首也洛陽腹也吳越其尾也
蓋全秦兼雍梁之境厥田上上素
有被山帶河四塞之固而鄜杜之
饒又稱陸海故其疆盛甲於天下

予間讀秦風如車鄰駟馘小戎無
衣諸作皆雄深慷慨過於他國吳
季子札至以夏聲許之自周秦以
後帝王定鼎往往建都關中據百
二之險以控制四方是以數千年
之間治亂興衰戰爭相尋之迹悉



出于秦然則全秦之形勝亦可得
而概見矣爲秦志者如三輔黃圖
雍錄圖經之屬非不典且核也然
或紛而不一或狹而未賅讀者病
焉使非有奇偉非常之才爲之參
以諸家裨以近事而筆之于書則

咨文獻者安所徵哉今觀

大中丞賈公所輯陝西通志條分
類晰綱舉目張所以辯土疆審謠
俗昭勸戒鏡治忽者莫不瞭然顧
於財賦一則尤爲詳盡其有裨于
秦甚盛昔在都門每聆公談無非

忠孝仁義之旨輒肅然起敬以爲
有三代遺風及公節鉞豫秦二省
恩威并用寬猛咸宜而秦值

國家草創之後地荒民貧加以兵
戎之備芻蕘之需日不暇給惟公
招流散撫瘡痍保善良則藹若春

陝西通志

王序

三

尚書

溫鋤奸宄則凜如秋肅卽今兩地
謳歌如出一口益信昔日所慷慨
而談者皆有本之議論也故以其
餘力成二省之志而苞古酌今炳
耀典冊得不謂之奇偉非常之才
哉昔蕭相國入咸陽先收丞相府

圖籍以此漢高得知天下院塞戶
口多少強弱之處論功第一今公
之功當不在鄼侯之次矣予家世
三原凡先端毅康僖兩公之故居
與其所謂彰德祠弘道書院迄今
猶巍然并峙而我王氏之子姓俱

受庇于公之宇下予嘗深水木之
思而睠焉有感于枌榆之所托每
西望三秦輒爲神往今得公此書
讀之如遊故鄉如睹兩公之遺跡
不旣快然無憾也哉故不揣不斐
之詞而爲之弁諸簡端如此

康熙六年初夏穀旦

光祿大夫太子太保戶部尚書池

陽王弘祚撰



序

稽禹貢載九州之名山大川則壤
定賦詩十五國之風首二南次十
三國卽民俗歌謠觀政治之得失
孔子作春秋編年紀月上浹天道
下備人事凡以朝野相維昭垂勸

陝西通志

高序

侍郎

鑒以成萬世之治書後世方國有
志綜天文地理人物政治風俗而
備書之亦猶古之遺意斯涖土者
所宜先也我

大司馬膠侯賈公奉

帝簡膺分陝之命節鉞一臨慨然思

文獻之遺取三秦通志而鼎新之
虛心延訪廣集衆思攬其曩微搜
厥近懿勒爲不刊典章余以關中
古稱形勝地襟山帶河據四塞之
雄周先王分封建侯作王國之楨
以疏附後先越秦而漢而唐四代

提封金城千里以迄今茲其間天
時人事建置沿革地里山川岍谷
遷變土宜物產五行穰毀禮樂兵
刑暑曹代更以至文章節義雲蒸
霞蔚世不數代代不數人人不數
事瑰異喬皇鬱爲山河之秀發爲

星日之光志已詳載之矣余曷庸
贅竊以我

清朝秉圖御錄定冊

神京蕩平海宇安撫三秦已二十餘
年於茲矣或瘡痍有未起禮義有
未興培養民生誕敷聲教我

賈公之責重且大也乃鯁鯁然必
以秦志爲先務者何也誠以風俗
之淳漓物尚之奢儉生民之休戚
人心之邪正皆於是乎係或曰春
秋有是非志則書善不書惡何也
曰非寬之也實勵之也其獲與於

書者君子也其不獲與於書者令
之知恥自悔日進於善則於鼓舞
之中仍寓激勸之意我
賈公之志之志繼日夜必及乎此
者誠久安長治之鴻圖也此志進
之

朝廷之上披圖以觀河山險要燎若
指掌貢賦錯陳燦如列眉以至鼎
彝銘勛者若而人社稷倚重者若
而人學貫天人名教自任者若而
人清貞矢志風雅流芳者若而人
而下及車鄰駟馭同袍同澤之風

亦足以供採擇焉不啻大師陳詩
司市納價矣頌之郡邑之下展卷
視之則知關塞邊疆有守土田財
貨有出吏斯土者固當竭力盡職
以輸効於

國家而綱常名義之大忠貞節廉之

操前之人有振起而出者後之人
亦可接踵而興廉頑立懦慕義無
窮將習俗善良之感有不覺其悠
然自生者風尚由此益美不啻周
禮三物月吉讀法矣傳之天下後
世則人皆知今日之秦中猶是昔

日之秦中其不能不異者時代因
革之變其不容有異者民風土俗
之常則物力漸亨風化漸醇使今
日之秦較盛於昔日者實藉我
公體

朝廷愛養斯民之至意撫綏此一方

使之型仁講讓耕桑樂業躋麟趾
之化成豐鎬之治秦風復登於古
不啻咏甘棠之什頌倬漢之章矣
猗歟休哉車書一統之盛制禮作
樂昭宣謀猷將與帝典王謨並垂
經史矣寧通志云爾哉昔蕭相國

入關中獨詣丞相府取秦圖書以
故咸知海內險阻阨塞戶籍多寡
終定漢業史稱可比周召余於
賈公之成三秦通志也亦云

康熙甲辰夏月吉

兵部督捕右侍郎今侍養高辛胤

陝西通志

高序

七

侍郎

謹撰

序

嘗讀車鄰駟馘之章而知十五國
風所稱雄麗曠屹甲於寰區者惟
秦爲最予奉

簡書出視茶馬政自癸卯初秋以迨
甲辰夏仲戴星而馳車不停軌所

陝西通志

朱序

一

巡茶

閱名山大川及昔賢勝蹟更僕難
數太華爲三秦雄鎮壁立數千仞
黃河爲四陲襟帶流亘數萬里者
勿論已他若熊耳龍門之山玉狼
紫燕之勝以至馬嶺鳳川磻溪榆
谷青崖玉壘諸關按圖而計卽曠

離朱之目所不能悉照馳穆王之
駿亦不能遍躡者也予每巡歷所
至按轡登眺觸緒興懷輒浩然有
感過驪山則有三都城舍雄今古
百二河山互始終之句過關山則
有西望錦江通棧道東連渭水接

函關之句辱毫寄咏雖未足言詩
姑以誌耳目之所經云爾然而山
川土宇猶昔也到處不無殊觀自
兵燹以來滄桑碧海所在變換其
間顛連困苦之狀殆不可勝述邇
來纔稍稍有起色方今

聖天子新膺寶籙四海嚮風河岳效
靈成周太和之治不難復覩矧雍
州土厚水深其俗厚重質直以猛
驅之則成富強以善導之則篤於
仁義凡涖茲土者安可以不加意
振興者哉所幸

賈公大司馬持節鉞入秦者數年
百廢具興纖鉅畢舉廼欲於全秦
之誌煥然更新鳩工纂輯不遺餘
力凡山川形勝以及人物古蹟燦
若列眉其有裨於往古來今者欲
彙成一帙以佐史載以傳不朽忽

於郵筒之寄問序於裴夫裴方畏
此
簡書間闕未憇然足跡所經已約畧
其大槩值此全書告竣聊以片語
續貂分固應爾若曰搦管脩詞以
附不刊盛事則予豈敢

康熙三年甲辰仲夏之吉
巡按陝西川湖茶馬監察御史加
一級晉人朱裴謹序